



Crna Gora

Ministarstvo vanjskih poslova

Adresa: Stanka Dragojevića 2
81000 Podgorica, Crna Gora
tel: +382 416 341
fax: +382 20 225 702
www.mvp.gov.me

Generalni direktorat za bilateralne poslove

Br: 5/3-900/24-1027-7

12. jul 2024.

Predlog

PLATFORMA

za učešće ministra vanjskih poslova dr Filipa Ivanovića na Međunarodnoj konferenciji „Mostar 2024 – Dijalog za budućnost“, Mostar, Bosna i Hercegovina, 22-23. jul 2024.

Ministar vanjskih poslova dr Filip Ivanović će, na poziv ministra vanjskih poslova Bosne i Hercegovine Elmedina Konakovića, 22. i 23. jula 2024. učestvovati na Međunarodnoj konferenciji „Mostar 2024 – Dijalog za budućnost“ i prisustvovati ceremoniji obilježavanja 20. godišnjice obnove Starog mosta u Mostaru, u organizaciji Grada Mostara.

Na Konferenciji je predviđeno učešće najviših zvaničnika Bosne i Hercegovine, država regiona Zapadnog Balkana i Evrope, kao i predstavnika Evropske unije, Grupacije Svjetske banke, UNESCO-a i drugih relevantnih međunarodnih organizacija, na visokom nivou.

Ministar Ivanović će uzeti učešće na trećem panelu, koji će se održati 23. jula 2024, pod nazivom „Premošćavanje prošlosti, sadašnjosti i evropske budućnosti“. Predmetni panel, na kojem je, takođe, predviđeno učešće ministara vanjskih poslova država Zapadnog Balkana, predstavlja dobru priliku da se na ministarskom nivou održi diskusija i razmijene stavovi o temama koje dugoročno opterećuju bilateralne i multilateralne odnose između država regiona, kao i da se istaknu pozicije šefova diplomatija o tome koji su koraci neophodni kako bi se ostvario značajniji napredak na evropskom putu država učesnica.

Imajući u vidu učešće značajnog broja visokih zvaničnika i predstavnika međunarodnih organizacija, ministar Ivanović će, na marginama Konferencije, imati niz bilateralnih susreta, tokom kojih će se razgovarati o daljoj dinamici evropske integracije Crne Gore i zemalja neposrednog susjedstva.

Ceremonija obilježavanja 20. godišnjice obnavljanja Starog mosta u Mostaru, koja će biti održana istog dana, će na simboličan način zatvoriti Konferenciju.

Imajući u vidu navedeno, ministar vanjskih poslova dr Filip Ivanović je prihvatio poziv.

Značaj posjete

Ministar vanjskih poslova dr Filip Ivanović će učestvovati na Međunarodnoj konferenciji „Mostar 2024 – Dijalog za budućnost“ doprinijeti unapređenju i osnaživanju dijaloga, u cilju stvaranja adekvatnog političkog okruženja za prevazilaženje prepreka na evropskom putu država Zapadnog Balkana.

Sastav delegacije

Delegaciju Vlade Crne Gore će na Međunarodnoj konferenciji „Mostar 2024 – Dijalog za budućnost“, predvoditi ministar vanjskih poslova dr Filip Ivanović. Članovi delegacije će biti:

-Satka Hajdarpašić, otpravnica poslova a.i. u Ambasadi Crne Gore u Bosni i Hercegovini;

-Mirela Tuzović, šefica Biroa za odnose sa javnošću u Kabinetu ministra.

Troškove boravka članova delegacije snosi Ministarstvo vanjskih poslova.